

增修詩話總龜

七



增修詩話總龜卷之四十二

怨嗟門

王元之精於四六同時在玉堂而大拜者元之啓賀曰三
神山上曾陪鶴駕之游六學之中空有魚翁之嘆以白
樂天嘗有詩云元和六學士五相一漁翁

青箱雜記

怨婦不知其姓旣笄受幣於姨兄馬生父沒繼母渝其約
改適母之族兄老而猥惡居官納賄以罪犯為五羊民
掾舟過英州庸良醉卧婦因題三絕於駟亭初與馬絕
馬作詩貼嬾人曰急水浮花入亂流濃雲遮月暗西樓
風流怨恨知多少但看青春已白頭婦答詩曰金丸打
折鷁禽翼利刃偏傷連理枝自古一床無兩好如今方

信昔人詞題駟亭曰情若分病歸故園夢隨瘴月過梅

峰誰將此骨埋煙隴寂寞魂游山霧中

翰府名談

高檐累舉不第有詩云月桂數條楮白日天門幾扇鎖明
時陽春發處無根蒂憑伏東風次第次怨而切又下第
上主司馬侍郎詩云天上碧桃和露種日邊紅杏倚雲
栽芙蓉生在秋江上獨向秋風怨未開人頗憐其意明
年李昭知舉遂擢第詩史

王元之以尼道安事謫黃州蓋爲廬崔州所譖也有詩云
敢向台階問罪名後有以事貶黃州者有詩云魏能下
面看花街魏能以軍功黃州刺史

同上

陳羽有詩百餘首古意一篇集中所無其詞云十三學繡

羅衣裳自怜紅袖聞馨香人言此是嫁時服含笑不刺
双鴛鴦郎年十九髭未生拜官天下聞聲名車馬駢闐
賀門館自然不失爲公卿是時妾家尤未貧兄弟出入
雙車輪繁華全盛兩相敵與郎年少爲婚姻郎家居近
御溝水豪門客盡躡珠履彫盤酒器常不乾曉入中厨
妾先起姑嫜嚴肅有規矩小娘嬌意難取朝叅暮拜白
玉堂綉衣著盡黃金縷妾貌漸衰郎漸薄時時強笑意
索寞知郎本來無歲寒幾回掩泪看花落妾年四十絲
滿頭郎未五十封公侯男兒全盛日忘舊銀床羽帳空
飄飄庭花紅遍蝴蝶飛看郎佩玉下朝時歸來略略不相
顧却令侍婢生光輝郎恨嬾人易衰老妾亦恨深不忍

道者卽強健能幾時年過六十還枯槁詩史

峽郊有唐昭宗詩曰何處有英雄迎歸大內中又曰紆
于山頭凍殺雀何不飛去生處樂讀之令人變色昭宗
在河東作菩薩蠻云登樓延望秦宮殿茫茫不見雙飛
燕渭水一條流千山與萬丘野燠生碧樹陌上行人去
何處有英雄迎歸大內中今云詩未知孰是

南唐元宗優待藩邸舊僚馮延巳自元帥府書記至中
書侍郎遂相時論以爲非才江文蔚因其弟巡魯福州
亡敗請從退削乃出撫州秩滿還朝因赴內宴進詩曰
青樓阿監應相笑書記登壇又却回

韓渥天復中車駕幸鳳翔渥以扈從功反正初昭宗面許

渥為相渥奏云運契中興宜復用重德鎮風俗因薦右
僕射趙崇時梁祖在京馳入請見具言宗長短昭宗曰
趙崇是韓渥所薦渥時在側梁祖叱之三奏曰臣不敢
與大臣爭渥尋出閩中渥有詩曰手風慵展八行書眼
暗休看九局苗窓裏日光飛野馬按頭筠管長蒲蘆謀
身拙為安蛇足報國危曾捋虎鬚蒲世可能無默識未
知誰擬試齊竿並同上

孫定字至光涪州大戎之族子長於脩定數舉笑而脩方
就貢或訪於定定譖曰十三儀表堂堂好箇將軍何須
以科第為意脩頗銜之後脩貴達未嘗言定長短晚年
喪志放意酒盃景祐二年下第遊京師出開遠門醉中

詩話紀事卷之四十一
作詩曰行行沅血洒塵襟事逐東流渭水深私跨蹇馬
風尚緊靜投孤店日方沉一枝猶挂東堂夢千里空馳
比巷心明月悲歌又前去滿城煙樹噪春禽同上

王階怨李詞云玉階生白露夜久侵羅襪却下水晶簾玲
瓏望秋月

長相思詩云悠悠我思又曰靡日不思蘇子卿詩云生當
復來歸死當長相思

生別離楚詞曰悲當悲於生別離古詩云行行重行行與
君生別離相去萬餘里各在天一涯

怨歌行李白亦有此作一作長安見內人出嫁令予代爲
怨歌行其詞曰十五入漢宮花顏笑春紅君王選玉色

侍宴金屏中薦枕嬌夕月捲衣戀春風寧知趙飛燕奪
寵恨無窮沉憂能傷人綠髮成霜蓬一朝不得意世事
徒爲空鸛鵲換美酒群衣罷雕籠臨寒不忍言爲君奏
絲桐腸斷聲已絕悲心夜忡忡

獨不見李白云白馬誰家子黃塵邊塞兒天山三丈雪豈
是遠行時春蕙忽秋草莎雞鳴曲池風催寒蛩響月入
霜閨悲憶與君別年種茈齊娥眉桃今百餘尺花落成
枯枝終然獨不見流淚空自知

白頭吟相如將聘茂陵女爲妻文君作白頭吟以自絕相
如乃止故李白辭云頭上玉燕釵是妾嫁時物贈君表
相思羅袖幸時拂莫捲龍顏席從他生網絲且留琥珀

枕還有夢來時此最爲譬策

蒙砧蒙砧今何在蒙砧砧也問夫何處山上復有山重山
爲山字言夫已出何當大刀頭刀頭有環問何當來還
破鏡飛上天言月半當來也

七哀詩曹子建釋詩者謂病而哀義而哀感而哀悲而哀
耳目聞見而哀自歎而哀鼻酸而哀也

巴東三峽歌三山峽七百里兩岼連山略無關處重巖疊
嶂隱蔽天日自非亭午夜分不見日月其漁父歌曰巴
東三峽巫峽長猿啼聲苦泪沾裳

別鶴操高陵牧子作也娶妻五年而無子父兄爲之改娶
妻聞之中夜起倚戶而悲嘯牧子聞之愴然而歌曰將

乖比翼隔天端山川悠遠路漫漫攬衣不寢食不食後
人因爲樂章焉

並見樂府集

劉子儀與夏英公同在翰林子儀表爲先達章獻臨朝子
儀主文在貢院聞英公爲樞密副使意頗不平作堦子
詩曰空呈厚貌臨官道更有人從捷徑過

閑居主話

周總福州人天禧二年因事遊京師值詔下奔卿薦不及
有故人在譙郡守官遂往投之倚爲拔解之地而國家
申嚴條約不許寄籍郡有司吏周吉者頗殖涯產捻遂
拜爲父吉欣然納之齒于諸子代名諱亦從而更焉或
人問吉則對以此子當年與母氏俱斥近右歸捻亦以
是對秋預薦未幾達于卿父乃馳詩一絕寄之遂不敢

南歸因此慚恨而卒詩曰文章不及林洪範德行全亏
李坦然若拜他人為父母直須焚却蓼莪篇

各族重京官而輕外任故楊沒上建鄴後詩云拋却弓刀
上砌臺上方樓殿宰雲開山僧見我衣裳窄知道新從
戰地來又云如今老去騎官馬羞向關中道姓楊

楊行敏出使駙騎到劍州郡將輕忽慙恨尤甚題詩於冬
青館云駑駘嘶叫知無定琪驥低垂自有心山上高松

溪畔竹清風絕動是知音又云杜鵑花裏杜鵑啼淺紫

深紅更傍溪邊日霽光搜客思曉來山路恨如迷

南都新書

張又新即中與楊虔州友善楊妻李氏即庸相之女有德

無色楊未嘗介意張嘗語楊曰我少年擅美名不復仕

宦推得美室平生足矣既成婚妹失所望乃作牡丹詩
云牡丹一朵直千金將為後來色最深今日蒲園開似
雪一生辜負看花心

唐女真蕙蘭有才思咸通中為李億補闕侍婢愛衰後隸
咸宜觀為女道士有怨李詩曰易求無價寶難買有情
郎又有云蕙蘭消歇歸春圃楊柳東西絆客舟楊氏為
宋齊丘閉於秦州永寧宮有詩曰江南江北舊家鄉六
十年來夢一場吳苑樓臺皆冷落廣陵宮闕亦淒涼雲
凝遠岫愁千片雨打孤舟淚兩行兄弟四人三百口不
堪端坐更思量

丘南野錄謂此是李煜所作
未知孰是並古今詩話

戴衢久不第嘗夜吟曰擾擾東西南北情何人於此悟浮

生還緣無月春風夜暫得獨聞流水聲又云坐落千門

日吟殘午夜灯

盧懷杼情

鄭還古爲河中從事爲同院所誹謗貶吉州掾道中爲望
思臺詩云諛語能令骨肉離姦情難測事堪悲何因掘
得江充骨搗作微塵祭望思又云吉州新置掾地駟到
條山蕙荑殊非謗羊腸未是艱自慚多白髮爭敢競朱
顏苦有前生債今朝不與還

同上

盧群玉落托江湖不第縱情詩酒有詩曰酒瀉銀瓶到底
清夜深綠竹鳳凰鳴紅粧醉起一花落更引春風無限
情又投盧尚書詩曰無力不任爲走役有文安敢滯清
平從來若把耕耒定免侍彫虫悞此生

南部新錄

李山甫咸通中不第後流落河朔為樂彦正從事嘗有薄
怨執政曰勸君不用誇頭角夢裏輸贏揔未知

郎中自瓜州宣事面進合歡水果一器煬帝以一双令小
黃門馳賜絳仙馬急推解絳仙拜賜絃然因附紅牋小
簡進詩云駙馬騎傳雙果君王寵念深寧知辭帝里無復
合歡心煬帝省之不悅顧黃門黃門俱拜而言意乃解
張安道舉進士再失意而作歌曰休休歸去休清風釣艇
明月酒樓公不見冠相丁相雷州崖州休休歸去休景
祐元年中茂材異等復文中賢良方正朱定國歸田錄

杜牧舍人罷任浙西郡道中有詩曰鏡中絲髮悲來慣衣
上塵痕拂漸難惆悵江湖釣魚手却遮西日向長安與

言詩總集卷之四十二
杜甫齊名時號大小杜 郡閣雅談

唐文宗太和元年誅王涯鄭主後仇士良秉權或登臨游
幸往往獨語左右莫敢進問因題詩曰輦路生秋草上
林蒼滿枝憑高何限意無復待臣知 古今詩話

增脩詩話總龜卷之四十二

增修詩話總龜卷之四十三

傷悼門

雷有終自平蜀後人為立祠又嘗以私財犒士貧不能足貸錢以給比捐館舍時尚欠三萬緡章聖特出內帑錢償之故魏仲先悼有終詩曰聖代賢臣喪何人不慘顏新祠民祭祀舊債帝填還鹵簿塵侵暗銘旌淚洒班功名誰可繼勅塋向家山

青箱雜記

杜子美自蜀走湘楚卒於來陽時人謂以牛角白酒脹飲而死則非也僧紹真詩曰賢人矢志古來有牛角因傷是也無來陽宰詩曰詩名天寶大骨葬來陽空來陽有子美墳時人謂聶令空堆土也唐人詩曰一夜來江南百

年工部墳楊遺

北虜多有文籍亦以文雅相尚王矩為工部郎中本燕
人為虜將邪律志其名堂書記常從其出入邪律兄及
其兄之子太平異國中戰沒於大郡後邪律經舊戰處
覽其遺迹作詩矩記其兩句云父子盡從地陣沒弟兄
空望鴈門悲

談苑

徐寅興化軍莆田人以秘書省正字歸老鄉里既死卽度
使王延賓以詩哭之曰延壽溪頭歎逝波古今人事半
銷磨昔除正字今何在所謂人生能免何延壽溪寅
所居也

詩史

李遠休物緣情皆謂臻妙嘗有贈筇妓伍卿詩云輕輕